

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno 25-12-2025			
Gr. broj	Kl. oznaka	Rad. broj	Br. prijaga
01	04	2516	45

Broj: 02-04-2497/25-AP-3
Datum: 25.12.2025. godine

GRADSKO VIJEĆE ZAVIDOVIĆI
n/r PREDSJEDAVAJUĆOJ GRADSKOG VIJEĆA
Hadžić dr. Amira, spec. radiolog

PREDMET: Odgovori na vijećnička pitanja sa 12. sjednice Gradskog
vijeća Zavidovići održane 27.11.2025. godine, dostavljaju se

Povodom vijećničkih pitanja postavljenih na 12. sjednici Gradskog vijeća Zavidovići održanoj 27.11.2025. godine, dostavljamo odgovore na iste kako slijedi:

1. VIJEĆNIČKA PITANJA VIJEĆNIKA ASIMA DŽINDE

1. Vijećnik Asim Džindo: „Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Zbog čega do danas nije započeta realizacija izgradnje kanalizacione mreže na području MZ Dubravica, iako je inicijativa usvojena na Gradskom vijeću, sredstva za ovu namjenu predviđena u budžetu Grada, a gradonačelnica javno obećala realizaciju ovog projekta u 2025. godini?

Molim da mi se dostavi jasan, pisani odgovor, sa navođenjem razloga zasto projekat nije realizovan, te preciznom dinamikom i rokom kada će izgradnja kanalizacione mreže u MZ Dubravica biti započeta.

Vijećničko pitanje upućuje se gradonačelnici Grada Zavidovići.“

Odgovor na prvo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-521/25 od 25.12.2025. godine): Grad Zavidovići je u 2025. godini planirao nastavak fazne realizacije projekta kanalizacione mreže na području MZ Dubravica u iznosu od 50.000,00 KM. Kao izvor finansiranja planirana su sredstva iz vodnih naknada Zeničko-dobojskog kantona za 2025. godinu. Kako su dodijeljena sredstva u 2025. godini iznosila 273.172,83 KM, a Grad Zavidovići je očekivao da će iznositi cca. 600.000,00 KM, imajući u vidu trend iz prethodnih godina, planirana realizacija projekta nije se mogla realizovati.

Planirana investicija će se prenijeti u 2026. godinu i ista će biti prioritarna.

2. Vijećnik Asim Džindo: „Ja sam prošle godine u Nacrtu Budžeta govorio da stipendije treba povećati, rekli ste da ne treba, ali smo također govorili da treba odluku povećati o iznosu stipendija. Ove godine je deset studenata dobilo stipendiju na području našeg Grada, a u Budžetu je planirano 14000 maraka. Pa me zanima da li će svi dobiti po 1400 maraka, ili će biti

neka stara praksa od bivšeg gradonačelnika, da bez obzira koliko studenata dobije, dobiju neki minimalan iznos. Zanima me da li ćete dati puni iznos stipendija?“

Odgovor na drugo vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-18/25-AP-218 od 15.12.2025. godine): Odlukom o visini stipendije redovnim i redovnim samofinansirajućim studentima prvog i drugog ciklusa studija sa prebivalištem na području Grada Zavidovići za akademsku 2024./2025. godinu utvrđen je iznos stipendije u visini od 800,00 KM.

Kao i prethodnih godina visina Gradske stipendije utvrđivana je na prijedlog nadležne Službe uzimajući u obzir uporedni podatak o visini stipendije Ministarstva za boračka pitanja Zeničko-dobojskog kantona i Ministarstva za obrazovanje, nauku, kulturu i sport Zeničko-dobojskog kantona.

Visina stipendije Ministarstva za boračka pitanja Zeničko-dobojskog kantona u akademskoj 2024/2025. godini iznosila je 1.000,00 KM za studente prve godine studija i 1.200,00 KM za sve ostale godine studija, a istu je ostvarilo 167 studenata.

Visina stipendije Ministarstva za obrazovanje, nauku, kulturu i sport Zeničko-dobojskog kantona u akademskoj 2024/2025. godini iznosila je 750,00 KM, a istu je ostvarilo 89 studenata.

Ukoliko bi visina Gradske stipendije bila značajno veća od visine stipendije Ministarstva za boračka pitanja Zeničko-dobojskog kantona i Ministarstva za obrazovanje, nauku, kulturu i sport Zeničko-dobojskog kantona studenti bi aplicirali samo na Konkurs za Gradsku stipendiju te bi iznos iste bio simboličan što je u praksi prethodnih godina znalo biti potvrđeno.

Kada bi se hipotetički studenti korisnici stipendija Ministarstva za boračka pitanja Zeničko-dobojskog kantona i Ministarstva za obrazovanje, nauku, kulturu i sport Zeničko-dobojskog kantona prijavili na Gradsku stipendiju iznos iste bi bio cca 50 KM, a sredstva iz Budžeta Zeničko-dobojskog kantona u čijoj nadležnosti je oblast obrazovanja ne bi bila realizirana studentima sa područja Grada Zavidovići.

Napominjemo da su svi redovni studenti aplikanti sa područja Grada Zavidovići koji ne obnavljaju studijsku godinu ostvarili jednu od gore navedenih stipendija ukoliko nisu bili korisnici studentskih domova što se smatra vidom stipendije jer nadležno ministarstvo sufinansira smještaj studenata i ishranu u istim.

Ukupan broj korisnika stipendija sa područja Grada Zavidovići je 265 što predstavlja veliki uspjeh u unapređenju studentskog standarda studenata.

3. Vijećnik Asim Džindo: „Pitanje za Službu. Ja sam na desetoj sjednici podnio inicijativu vezano za studente također, koji putuju i za autobuse. To je trebalo biti na transferu u Budžetu za narednu godinu. Pa me zanima zbog čega se ta inicijativa nije našla na ovoj sjednici, da li sa nekom posebnom namjerom, s obzirom da su prošla dva mjeseca, jer sam je podnio ne na prošloj nego na desetoj sjednici. Zanima me zašto se nije našla na ovoj sjednici.“

Odgovor na treće vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-2516/25-AP-2 od 23.12.2025. godine): Stručna služba Gradskog vijeća, dana 09.12.2025. godine zaprimila je stav po vijećničkoj Inicijativi vijećnika Asima Džinde u ime Kluba vijećnika Socijaldemokratske partije BiH za sufinansiranje studentskog prevoza na relacijama koje povezuju Grad Zavidovići sa univerzitetskim centrima u BiH, broj: 02-04-2145/25-AP-5 od 19.11.2025. godine. Predmetna Inicijativa je pripremljena za 13. sjednicu Gradskog vijeća Zavidovići.

Prilikom utvrđivanja dnevnog reda 13. sjednice Gradskog vijeća, Kolegij Gradskog vijeća nije uvrstio u dnevni red razmatranje vijećničkih inicijativa, zbog

obimnosti dnevnog reda, a iste će se razmatrati na narednoj sjednici Gradskog vijeća Zavidovići.

2. VIJEĆNIČKO PITANJE VIJEĆNIKA ŠEMSUDINA SKEJIĆA

Vijećnik Šemsudin Skejić: „Nepropisno zaustavljanje i parkiranje na autobuskim stajalištima u ulicama „Zlatnih Ljiljana“ i „dr. Pinkasa Banta“.

Molim nadležnu gradsku službu da u skladu sa ovlaštenjima, a u saradnji sa nadležnim ministarstvom za Promet i komunikacije i PU Zavidovići kao i federalnom direkcijom za ceste, razmotri mogućnosti zabrane nepropisnog zaustavljanja i parkiranja na autobuskim stajalištima na magistralnoj cesti u ulicama Zlatnih Ljiljana i dr. Pinkasa Banta.

Saobraćajni prekršaji na tim lokalitetima su tako učestali da i sami učesnici u saobraćaju smatraju da je normalno parkirati se ili zaustaviti na autobuskim stajalištima sa jasnim znakom zabrane.

Molim Gradonačelnicu da u saradnji sa nadležnim institucijama razmotri mogućnosti rješavanja evidentnog problema, a da pri tome novonastale eventualne neugodnosti za građane i privredne subjekte budu što manje.

Vjerujem da bolje rješenje postoji i da ćemo ga naći.“

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-521/25 od 25.12.2025. godine): Vaše vijećničko pitanje proslijeđeno je u nadležnost Policijskoj upravi Zavidovići i JP Ceste Federacije BiH. Po prijemu povratnih informacija blagovremeno ćemo Vas obavijestiti.

3. VIJEĆNIČKO PITANJE VIJEĆNIKA SANELA JALMANOVIĆA

Vijećnik Sanel Jalmanović: „Na osnovu člana 8. i 87. Poslovnika o radu Gradskog vijeća Zavidovići, kao vijećnik Gradskog vijeća za današnju sjednicu postavljam vijećničko pitanje:

S obzirom da nam se približava zimski period, zanima me koje su preventivne mjere nadležnih službi u pogledu čišćenja i održavanja riječnih korita, kako bi se smanjio rizik od poplava usljed naglog otapanja snijega?

Da li nadležna služba ima informaciju o trenutnom stanju riječnih korita, da li su urađene potrebne intervencije prije zimskog perioda, te da li je Grad izradio ili ažurirao plan upravljanja rizicima od poplava za sezonu 2025/26., posebno uzimajući u obzir sve učestalije nagle poraste vodostaja?

Molim za pismeni odgovor.“

Odgovor na vijećničko pitanje (Odgovor je sačinjen na osnovu akta Službe za upravu civilne zaštite, broj: 07-45-21-259/25 od 18.12.2025. godine): Preventivne mjere u pogledu čišćenja i održavanja riječnih korita prema informacijama sa kojima raspolaže ova Služba nisu vršene, ni na vodama I kategorije koje su u nadležnosti Agencije za vodno područje rijeke Save, a ni na vodama II kategorije koje su u nadležnosti Kantona. Također, na manjim vodotocima koji su u nadležnosti Grada nisu vršene preventivne mjere u pogledu čišćenja i uređenja korita. Služba za upravu civilne zaštite ima informacije o trenutnom stanju riječnih korita i redovno se prati stanje vodostaja neposredno na terenu, kao i putem mjernih stanica Agencije za vodno područje rijeke Save. Intervencija u samim riječnim koritima i obalnom pojasu nije bilo. Grad Zavidovići, odnosno Gradski štab civilne zaštite Zavidovići je u aprilu

2025. godine donio Plan zaštite i spašavanja od prirodnih i drugih nesreća na području Grada Zavidovići, u kome je obrađena i prirodne nesreća poplave, u trenutku sačinjavanja ovog odgovora u procesu je njegovo ažuriranje. Dokument pomenut u vijećničkom pitanju Plan upravljanja rizicima od poplava izrađuje Agencija za vodno područje rijeke Save, a donosi ga Vlada Federacije Bosne i Hercegovine. Tačnije, u skladu sa Zakonom o vodama („Službene novine Federacije BiH“, broj: 70/2006) i Uredbom o vrstama i sadržaju planova zaštite od štetnog djelovanja voda („Službene novine Federacije BiH“, broj: 26/2009) preliminarne procjene rizika od poplava, mape opasnosti od poplava i mape poplavnog rizika i planove upravljanja poplavnim rizikom izrađuju Agencije za vode, odnosno Agencija za vodno područje rijeke Save i Agencija za vodno područje Jadranskog mora, a Vlada Federacije Bosne i Hercegovine na prijedlog federalnog ministra poljoprivrede, vodoprivrede i šumarstva donosi Plan upravljanja poplavnim rizikom.

4. VIJEĆNIČKO PITANJE VIJEĆNIKA IGORA ŠIMŠIĆA

Vijećnik Igor Šimšić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje koje se tiče potrebe informisanja o statusu infrastrukturnog projekta Rekonstrukcije i izgradnje mosta u Mjesnoj zajednici Maoča preko rijeke Krivaje?

Obrazloženje vijećničkog pitanja:

Na zahtjev građana nadležnim organima Gradske uprave postavljam vijećničko pitanje, uz zahtjev za dostavljenjem jasnih, tačnih i konkretnih odgovora koji će nas gradske vijećnike i građane naše lokalne zajednice informisati o aktivnostima koje se poduzimaju na infrastrukturnom projektu, Rekonstrukciji i izgradnji mosta u MZ Maoča preko rijeke Krivaje koji povezuje naseljena mjesta Ivanovići, Dištica i Borikovića. Projektu za koji su obezbijedena znatna novčana sredstva od strane Vlade Federacije BiH preko njenih resornih ministarstava, u više navrata i u proteklom ne bliskom periodu. Na lokalitetu i predmetu rekonstrukcije i izgradnje, činjenično, ne izvode se nikakvi radovi, naprotiv, funkcionalnost, sigurnost i vizuelnost mosta je još više pogoršana i prijeti neželjenim posljedicama. Preciznije, da li se poduzimaju bilo kakve aktivnosti na realizaciji ovog projekta ili ne, ako da u kojoj su fazi aktivnosti, ako ne zašto i koji su razlozi za nedjelovanjem, da li postoji eventualni problemi ili prepreke i kada su terminološki planirani konkretni početci i završetci radova? Pitanje se upućuje Gradonačelnici i nadležnoj/nadležnim gradskim službama. Odgovor na pitanje pored usmenog, dostaviti i u pisanoj formi.“

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-521/25 od 25.12.2025. godine): Dana 30.11.2024. godine, Grad Zavidovići je sa preduzećem „Porobić“ d.o.o. sklopio ugovor o izvođenju radova na rekonstrukciji cestovnog mosta preko rijeke Krivaja u naselju Maoča – Faza I u vrijednosti od 234.981,52 KM, a koji su obuhvatali oko 50% od ukupnih radova.

Kako izvođenje radova nije bilo moguće započeti prije proljeća 2025. godine, zbog nepovoljnih vremenskih uslova (hidroloških uslova), budući da je dio radova trebalo raditi unutar samog korita rijeke Krivaje, bilo je nophodno sačekati stabilizaciju vremenskih prilika i smanjenje bujičnosti rijeke kako bi se osigurali tehnički i sigurnosni uslovi za početak radova.

Nakon što su se vremenski uslovi poboljšali, Izvođač radova je podnio zahtjev za izmjenu ugovornih odredbi, kojim se traži povećanje cijena za bravarske radove usljed značajnog rasta cijena materijala na tržištu, odnosno ukupno povećanje cijene ugovora za cca. 20%.

Postupajući u skladu sa članom 75. Zakona o javnim nabavkama, Grad Zavidovići nije bio u mogućnosti da bez svake sumnje dokaže opravdanost zahtjeva Izvođača, obzirom da teret dokazivanja opravdanosti povećanja cijena leži na ugovornom organu.

Kao jedna od važnijih činjenica, Grad Zavidovići je planirao da će finansijsku konstrukciju za preostale radove na izgradnji mosta zatvoriti putem raspodjele sredstava po Javnom pozivu Vlade Federacije Bosne i Hercegovine – Kapitalni transferi drugim nivoima vlasti i fondovima – sufinansiranje projekata jedinica lokalne samouprave, gdje je na žalost građana Zavidovića, naš Grad, bez ikakvog pojašnjenja, ostao uskraćen za finansijska sredstva, te je 50 miliona KM dodijeljeno gradovima i općinama u Federaciji BiH, a mi smo jedna od 9 jedinica lokalne samouprave koja nije ostvarila ovo pravo od ukupnih 79.

Imajući u vidu gore sve navedeno, a posebno nemogućnost zatvaranja finansijske konstrukcije za cjelokupnu izgradnju mosta na rijeci Krivaja, prvenstveno zbog izostanka podrške Vlade FBiH u 2025. godini, Grad Zavidovići i preduzeće „Porobić“ d.o.o. Zavidovići pokrenuli su proceduru sporazumnog raskida ugovora o izvođenju radova na rekonstrukciji cestovnog mosta preko rijeke Krivaja u naselju Maoča – Faza I.

Budući da su Gradu Zavidovići uskraćena sredstva Vlade Federacije Bosne i Hercegovine, vrlo vjerovatno je da će Grad Zavidovići morati vratiti i ranije dobijena sredstva jer nije u mogućnosti da iz sopstvenih sredstava zatvori finansijsku konstrukciju za projekat koji košta između 550.000,00 KM i 600.000,00 KM.

Kako bi pokušali umanjiti finansijsku štetu, Grad Zavidovići će se obratiti Vladi Federacije BiH (Federalnom ministarstvu finansija) da nam odobri novi rok za realizaciju odobrenih sredstava u iznosu od 200.000,00 KM kako bi raspisali novu javnu nabavku u 2026. godini ili prenamjenu sredstava za realizaciju nekog od prioriternih projekata.

Dakle finansijska šteta po Grad Zavidovići i njegove građane se ne ogleda samo u nedobijanju sredstava za 2025. godinu već je potencijalno značajno veća.

S poštovanjem

Dostavljeno:

1. Naslovu,
2. U spis.

Akt pripremio:


(Nermin Čahtarević)



GRADONAČELNICA

mr. iur. Erna Merdić Smailhodžić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno 25-12-2025			
Org. jkt.	Kl. ozn.	Red. broj	Br. priloga
01	04	2324/25	

Broj: 02-04-2323/25-AP-12

Datum: 10.12.2025. godine

GRAD ZAVIDOVIĆI
GRADSKO VIJEĆE ZAVIDOVIĆI

- O v d j e -

PREDMET: Obavještenje o postupanju po inicijativi Kluba vijećnika Socijaldemokratske partije za donošenje odluke o dodjeli jednokratne novčane pomoći penzionerima sa područja Grada Zavidovići za 2025. godinu i za 2026. godinu, dostavlja se

Na 11. sjednici Gradskog vijeća Zavidovići, održanoj 30.10.2025. godine vijećnik Haris Hodžić je podnio inicijativu u ime Kluba vijećnika Socijaldemokratske partije za donošenje odluke o dodjeli jednokratne novčane pomoći penzionerima sa područja Grada Zavidovići za 2025. godinu i za 2026. godinu.


U Inicijativi se zadužuje nadležna Služba za upravu društvenih djelatnosti, pitanja boraca i opću upravu da prikupi relevantne podatke kako bi se Inicijativa mogla realizovati. U vezi sa navedenim, Služba je dana 18.11.2025. godine uputila Zahtjev za dostavu podataka, broj: 04-45-18/25-AP-193, Federalnom zavodu MIOPIO, Ispostava Zavidovići, da u roku od 7 dana dostave tačan broj penzionera sa područja Grada Zavidovići sa razvrstanim brojem korisnika minimalne, zagarantovane i invalidske penzije.


S obzirom da se radi o kompleksnijem procesu realizacije Inicijative za koju su potrebni podaci i drugih institucija, te detaljno analiziranje istih, ovim putem Vas obavještavamo da je Služba poduzela potrebne radnje, te da će nakon dobijenih podataka pristupiti sačinjavanju kompletne informacije o mogućnosti dodjele jednokratne novčane pomoći penzionerima sa područja Grada Zavidovića, uz konsultacije sa Službom za upravu finansija, budžet i trezor.

S poštovanjem

Dostavljeno:

1. Naslovu,
2. U spis.

Akt pripremio: 
(Nermin Čahtarević)



GRADONAČELNICA

mr. iur. Erna Merdić Smailhodžić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravu društvenih djelatnosti,
pitanja boraca i opću upravu



Broj: 04-45-18/25-AP-193
Datum: 18.11.2025. godine

Federalni zavod MIOPIO
Ispostava Zavidovići
Ul. Prvomajska bb
72220 Zavidovići

PREDMET: Zahtjev za dostavu podataka, traži se.

Služba za upravu društvenih djelatnosti, pitanja boraca i opću upravu zaprimila je vijećničku Inicijativu gradskog vijećnika a koja se odnosi na donošenje odluke o dodjeli jednokratne novčane pomoći penzionerima sa područja Grada Zavidovići za 2025. i 2026. godinu.

U vezi sa navedenim potrebno je da nam dostavite tačan broj penzionera sa područja Grada Zavidovići sa brojem korisnika minimalne, zagarantovane i invalidske penzije.

Tražene podatke potrebno je dostaviti do 26.11.2025.godine.

Navedeni podaci su potrebni u cilju izrade odgovora na vijećničku Inicijativu. Nakon prikupljanja podataka nadležna Služba će sačiniti Informaciju koju će dostaviti Stručnoj Službi Gradskog vijeća na dalje razmatranje i postupanje.

S poštovanjem,



POMOĆNIK GRADONAČELNICE

Jasmin Mahmutović, dipl. pravnik

Dostavljeno:

1. Naslovu,
2. a/a.

Akt pripremila:

Selma Džaferović

Akt pregledala:

Asma Merdanović